



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Ratisbonam repetit.

urn:nbn:de:hbz:466:1-41515

non possit: cum, vbi cetera destituunt, ipsa sibi sit pretio.

Maturandi reditus causa fuit Ratisbonensis conuētus; vbi, si de religione ageretur, quod quidem mouendum in præsens nullo modo censebat Canisius: verum, si prohiberi nõ posset, apud se decretum habebat impiorum conatibus, quo stragem minorem ederent, & operam, & vitam suam opponere. Quippe & bellum quod inter Pontificem, & Regem Philippum in Italia gerebatur, præcipitantem iam in Germania religionem haud leuiter impellebat. In reditu transiens OEniponto surgentem vidit præclari ædificij molem, quod Ferdinandus Rex Societatis Collegio destinabat. Inde progressus Dilingam ad Cardinalem Augustanum, exceptusque fraternis planè animis, quosdam antiquos libros Ratisbonensi conuentui admodum accommodatos, calcho-graphis typis euulgauit. Sub ea Ingolstadianos reuisit socios, & aliquandiu aduersa valetudine conflictatus est. Quæ vbi primum permisit, Ratisbonam recurrit: modesteq; Cardinalis Othonis, qui præiuerat, recusato hospitio, religiosæ simplicitatis studio, & maioris otij causa ad res anima-

*Reuertitur
in Germa-
niam.*

*Ratisbonam
repetit.*

*Non probat
secularibus
agi de Reli-
gione.*

animarum tractandas, priuata domo à Canonisoblata contentus, illico reddidit se suggestor sacro quoque die, perque Domini aduentum ter hebdomada perorabat. Audiebatur cupide omnibus, ac præcipue à Præsulibus sacris, qui non solum incendebantur ad defensionem prisce, germanique cultus, sed etiam de Societate bonæ estimationem hauriebant, & in Dioccesibus suis domicilia ei meditabantur. Rex Colloquio de religione aditum aperuerat, perinuito sane Canisio, nihil boni sperandum clamante per Colloquia quocunque modo fierent: nec leue incommodum metuendum quicquid de religione attingeretur, non autore Romano Pontifice. Ita contra eam rem grauem, ac doctam lucubrationem edidit: Episcoposque, vt omni ope resisterent confirmauit. Optimam Ferdinandi mentem summæ compellebant angustias maximi aduersus Austriam Turcarum apparatus, & Hæreticorum impia pertinacia: qui, vt supra de Bauaris narrabamus, & seditiosorum omnium, ac turbulentorum mos est, Reipublicæ tempestates temporisua rati, nisi extorquerent, quod ad propagationem impietatis rabide appetebant, Regi subsidia

in